

G
C
10/10/101 5

REGVLA
CONSULTORVM
ET ADOCTORVM
cum Præfatione



VENETIS M D LXXX
cum Præfatione



REGVLAE CONSULTORVM.



INTELLIGANT *quanti momenti sit* P.4. c. 10.
eorum officium, ut Superiores eorum §. 7. & p.
consilio, & relatione adiuti melius, 2. c. 6. §. 14.
& facilius gubernare possint.

2 *Sint amatores boni communis, illudq; in omni-* PAR. 9. c. 5.
bus consultationibus pra oculis habeant: atq; ut Di- §. 2.
uina inspirationi dent locum, & saniora sint eorum
consilia, in suo sensu non nimis abundant.

3 *In consultationibus sinceram intentionem ha-*
beant, & a perturbatione liberam, ut fideliter, &
debita cum modestia caritatis, & obedientiae memo-
res sententiam dicant.

4 *Rem, de qua consultatur, bene intelligant, nec*
sint in dicendo praecipites, sed negotio secum confi-
derato, & oratione praemissa, praecipue cum de re-
bus agitur difficilibus, sententiam suam aperiant.
quod si quid ex tempore discutiendum proponere-
tur, & id sibi maturius considerandum iudicarent,
Superiori significabunt.

5 *Explicare breuiter debent sententiae suae ratio-*
nes: quod si ad rem confirmandam aliorum rationes

A 2 essent

essent dissoluenda, id etiam modeste faciant.

6 Cum Superior Consultoribus auditis aliquid statuerit, iudicium ipsi suum illius iudicio submitendum meminerint: quod si ob rei, de qua agitur, gravitatem, adhuc sentirent ad alium Superiorem esse rem deferendam, quod nihil monitione sua se effecturos sperarent, re prius apud se maturius considerata, & oratione premissa ad immediatum illius Superiorem, aut si is non provideat, ad supremum id facere ne prætermittant.

7 Etiam si non interrogentur, si quid tamen in mentem uenerit, quod ad commune bonum, uel alicuius personæ particularis pertineat, poterunt id Superiori proponere, ut is statuat, num ea de re sit deliberandum, nec ne.

8 Consultores neque ea, quæ quisque in consultatione senserit, neque ea, quæ proposita sunt, aut definita alijs significare debent præcipue cum res ipsa secretum exigunt. Superioris autem erit ea, quæ definitur, promulgare, cum opus esse iudicabit.

Par. 4. c.
17. §. 7.

9 Consultores Rectorum, & Præpositorum localium literas ad Prouincialem dabunt bis in anno mense Ianuario, & Iulio, & ad Generalem singulis annis mense Ianuario: Consultores vero Prouincialium ad Generalem mense Ianuario, & Iulio; nisi res aliqua ita urgeat, ut etiam extra hæc tempora de illa scribendum iudicent.

10 Iis litteris sincere, ac sine amplificatione, omnique

niq; priuato, aut humano respectu semoto significabunt, quid sibi de Superioribus, quorū sunt Consultores, & de eorum administratione, ac rerum statu scribendum in Domino uideatur, oratione tamen præmissa, & re prius diligenter considerata.

11 Huiusmodi literæ Consultorum mittantur ob- P. 4. c. 17.
lit L.
gnata, nec quisquam eorum sciat quid alius scripserit.

12 Si quis ex nostris ad Generalem scripserit, & literas admonitori, aut alicui ex consultoribus tradere uoluerit, is acceptas cum suis, aut sub externa suæ propriæ manus inscriptione ad Generalem mittendas curabit.

13 Si quid circa victum, uestitum, labores, & occupationes Superioris, aut circa gubernationem moderandum, augendum, uel mutandum censerent, illum præmissa oratione admonendum curent, quod P. 9. c. 4. §.
2. & 3. &
4. & Can.
120. tri.
congre.
fere per admonitorem faciant.

14 Siquis cum eis de difficultate aliqua sua, aut perturbatione agat, ita eum suis monitis, & consilio inuare studeant, ut semper, quantum possint, existimationem Superioris tueantur.

15 Ad omnia melius obeunda Superiorū s. orum, & aliorū officialiū regulas teneant, constitutionesq; & reliqua omnia, quæ ad nostrum institutum, & administrationem pertinent, familiaria sibi reddant.

16 Ita suum munus exequantur, ut nullā gubernationis partem sibi assumant, atq; ea submissione se gerant, ut cæteris obedientiæ exemplum præbeant.



R E G V L A E ADMONITORIS.

Par. 2. c. 4.
§. 4.



A modestia, & humilitate officium suum obeat, ut subditum decet erga Superiorem, quem Christi loco habet: niti enim debet, ne huius muneris occasione, reuerentia, atque obedientia interior, uel exterior in ipso debilior reddatur.

2 *Animaduertat autem, ne reuerentia hæc, & obedientia fidelitatem, aut necessariam libertatem opprimat, quo minus Superiorem admoneat de ijs, quæ, præmissa oratione proponenda in Domino iudicabit.*

P. 2. c. 4. §. 3. *Admoneat Superiorem de ijs, quæ maior pars Consultorum ei dicenda iudicauerit: de alijs uero, 4. & c. 5. §. 2. & Can. 120. trium Congr. que siue ipsi in mentem uenient, siue ab alijs suggerentur, non facile eum admonebit, sed de ijs dumtaxat, quæ non leuis momenti post orationem esse censuerit, siue illa ad personam, siue ad officium Superioris pertinebunt iuxta caput 4. & 5. nonæ partis Constitutionum, & Can. 120. trium Congregationum.*

4. *Ea, quorum Superiorem admonuerit, meminerit,*

nerit, tacitus apud se seruare; quamuis interrogatus à consultoribus de ijs, quæ ipsi commisissent dicenda uel à Superioribus rationem sui officij eis debet reddere.

5 Cum Superior cuiuspiam rei admonitus, illi remedium non adhibuerit, admonitoris erit cum debita submissione iterum, & sæpius eum commonefacere: quod si emendationem non sperat, facta prius oratione, id Superiori significet.

6 Admonitoris erit ordinarias epistolas consultorum suis temporibus colligere, atq; ad mediatos Superiores mittere, nisi eas illi alia uia mittere uoluerit, simulq; referet eisdem utrum illi scripserint, an non.

7 Caueat, ne occasione sui officij debitam subordinationem, & obseruantiam subditorum erga suos Superiores aliqua ex parte imminuat, aut debilitet.

FORMVLA SCRIBENDI Decre. 53.
t. r. a. ong.
auctoritate tertiæ congregationis confecta.



M Agnoscere inuenit ad animorum unionem in Societate, literarum ultro citroq; missarum inter inferiores & superiores frequens commercium, & crebro alios de alijs certio-

Par. 8. c. 1.
§. 9.

A 4 res

res fieri, & audire quæ ex varijs locis ad ædificationem, et eorum quæ geruntur cognitionem afferuntur.

P. 8. c. 1. li. 2 Superiores domorum, & Restores scribant singulis hebdomadis ad suum Prouincialem in Europa: L. & Can. 77. tr. cõg. in Indijs vero, vt suis Prouincialibus visum fuerit commodum & opportunum.

3 Scribant autem ad suum Prouincialem de statu personarum, & rerum omnium, non solum quæ inter nostros, sed etiam quæ per ministeria Societatis erga externos in domibus suis, vel collegijs fiunt, & non tantum de his, quæ rectè se habent, sed etiam, de his, quæ secus; & quoad fieri poterit curent, vt omnia tanquam præsentia Prouincialis cernat.

P. 6 c. 4. S. 4. & Can. 73. tr. cõg. 4 Primo quoque tempore ad suum Prouincialem scribant Superiores domorum, & Rectores de obitu eorum, qui in suis locis decedunt: Prouincialis vero reliquos de sua Prouincia admonebit, vt quamprimum solitis suffragijs, & orationibus eorum animæ inuentur, & statim Præpositum Generalem, & vicinos Prouinciales certiores reddat, vt simile officium præstare possint.

P. 8. cap. 1 li. L. & Can. 77. tr. cong. a P. 7. c. 2. S. 2. 5 Missi ad fructificandum in agro Domini scribant ad suum Prouincialem, aut ad eum, quem ille designauerit singulis hebdomadis, vel quoties ipsis fuerit præscriptum, a ut per crebram literarum communicationem, quantum fieri potest, totum successum suarum missionum illi declarent.

6 Prouinciales Superioribus domorum, & Rectores

Etioribus ac ijs, qui in missionibus uersantur, & priuatis personis, quibus opus erit, semel singulis mensibus scribant.

P. 8. cap. 1.
lit. L. &
Can. 77.
tr. cong.

7 Prouinciales omnium Prouinciarum Europe scribant ad Generalem semel quolibet mense: ^b Rectores autem, & Superiores, domorum, & Magistri nouitiorum tertio quoque mense.

Ibidem
b Eodem
Can.
Can. 77.
tr. cong.

8 Prouinciales Indiarum scribant Præposito Generali, quando se obtulerit nauigationis commoditas: Rectores uero & Superiores domorum ex Indijs semel, ex Brasilia, & noua Hispania bis in anno, si se obtulerit occasio.

9 Prædicti omnes extraordinarie utrinque scribant, quoties necessitas urget.

10 Superiores domorum, & collegiorum, & Magistri nouitiorum scribant ad Generalem, quæ alicuius momenti fuerint, etiam si approbante Prouinciali fiant. Illa uero potissimum scribant, in quibus Prouincialis admonitus, uel non prouidet, uel prouidere nequit uel postquam Prouincialis cum illis tractauerit, ipsi ab eius iudicio dissentiant: sed tunc quidem addant, quid Prouincialis responderit, & quibus rationibus ipsi ab eo dissentiant, interim tamen ei per omnia obediunt.

P. 8. cap. 1.
lit. L. &
Can. 77.
tr. congre.

11 Cum Prouinciales scribent Generali, curabunt, ut statum domorum, & collegiorum suorum, ac totius Prouinciæ bene explicent, & suppleant, si quid intellexerint, quod Superiores domorum, & collegio-

collegiorum minus declarauerint, & in vniuersum ita scribere debent, vt Generalis omnium rerum, omniumque personarum, ac Prouinciarum Statum, quoad eius fieri possit, ante oculos habeat.

12 Si quis nostrorum aliquid per literas cum Praeposito Generali, aut cum suo aliquo alio mediato superiore tractare velit, ne impediatur, nec ipsorum literæ ad eos scriptæ aperiantur, neque mediatorum superiorum ad ipsos.

13 Literæ nostrorum, quæ negotia continent, solum ad Praepositum Generalem, & non ad alios, qui cum ipso agant, destinentur, poterit tamen ad eos scribi, vt illa tractari, & expediri curent.

14 Literæ negotiorum, ad quorum expeditionem Procuratoris generalis opera, aut informatione opus erit, proprijs literis ad Praepositum Generalem scribantur adiecta exterius litera P sub inscriptione earum.

15 Negotia maioris momenti, ex vtraque India, et Brasilia ternis exemplis scribantur, binis autem ex reliquis prouincijs, si sit periculum ne literæ intercendant, vel certe in proximis literis earum summa repetatur, & vt inueniantur, cum opus fuerit, quæ scripta sunt ad Generalem, exemplum eiusmodi literarum, vel earum summam in libro aliquo, qui scribunt, apud se retineant.

16 Si quid secreti scribendum, vel soli superiori committendum sit, seorsum in propria epistola scribatur,

batur, quæ cum alijs in eodem fasciculo colligata includatur, adiecto exterius (soli) sub inscriptione eiusdem epistolæ: quod si eiusmodi epistola sola mitte retur, alia charta innoluatur, quæ absque, soli, inscriptionem habeat.

17 In rebus, quæ secretum requirunt, explicandis, his vocabulis utendum erit, ut ea intelligi nisi a Superiore non possint, modum autem præscribit Generalis.

18 Nullus inferior, nisi morbo impeditus, literas ad Superiorem ex sua commissione scribi faciat.

19 Consultores Rectorum & Superiorum locallium literas obsignatas ad Prouincialem dabunt bis in anno mense Ianuario, & Iulio, & ad Generalem singulis annis mense Ianuario: Consultores uero Prouincialium ad Generalem mense Ianuario & Iulio, nisi res aliqua ita urgeret, ut de illa, etiam extra hæc tempora, scribendum iudicarent.

20 Iis literis sincere, & sine amplificatione, omni- que priuato, aut humano respectu semoto, significabunt, quid sibi de Superioribus, quorum sunt Consul- tores, & de eorum administratione, ac rerum statu scribendum in Domino videatur, oratione tamen præ- missa, & re prius diligenter considerata.

21 Ut Rector vniuersitatis de omnibus præcep- toribus, & alijs de Societate, ita etiam Cancellarius, & Consiliarij vniuersitatis de ipso, ac alijs
P. 4. cap. 17. §. 17.
scribent

scribent semel singulis annis mense Ianuario Præposito Generali, & bis in anno mense Ianuario & Iulio Prouinciali.

P. 4. cap.
27. lit. L.

22 Huiusmodi literæ Consultorum, & horum Officialium vniuersitatis mittantur obsignatæ, nec quisquam eorum sciat, quid alius scripserit.

23 Quis Præpositus, & Rector habeat librum, in quo scribantur visitationes domus, uel collegij à Generali approbatæ, in quo etiam scribantur ordinationes aliæ alicuius momenti, quæ à Generali mittuntur: & quæ perpetuæ fuerint, ab ijs quæ temporariæ sunt, separatim notentur, alia vero quæ Visitator, & Prouincialis præscripserint, in alio libro scribantur.

24 Si quid scribendum esset de rebus, quæ externorum aliquem attingerent, ita scribatur, vt etiam siliteræ in eius manus inciderint, offendi non possit.

De literis annuis.

25 **S**uperiores domorum, atque Rectores curent ea obseruari, quæ in dies in eorum domibus, collegijsque per nostros Dominus operari dignatur, quæque ad nostrorum consolationem, ac proximorum ædificationem pertinent, ex quibus seligant optima quæque, atque in ordinem redacta sub finem cuiusque anni ad suum Prouincialem mittat.

Pro-

26 Prouinciales ex omnibus Superiorum loca-
 lium, atque Rectorum suæ Prouinciæ, & eorum, qui
 in missionibus versantur epistolis, reiectis, vel additis
 ijs, quæ videbuntur, singulis mense Ianuario vnas
 literas annuas conficiant, quas manu ipsorum sub-
 scriptas ad Generalem destinent.

27 In his literis tot erunt capita, quot sunt in Pro-
 uincia domus, collegia, & missiones: recensent nu-
 merum nostrorum Sacerdotum, Præceptorum, Scho-
 lasticorum, & Coadiutorum temporalium, item ad-
 missorum eo anno in Societatem, & eorum in Domi-
 no profectum explicabunt, & an aliquis è vita de-
 cesserit.

28 Agent de ministerijs Societatis erga proxi- P. 8. cap. 1.
lit. M.
 mum, vt de concionibus, lectionibus sacris, doctri-
 na Christiana, exercitijs spiritualibus, visitatione
 carcerum, & hospitalium, reconciliatione disside-
 ntium, de pœnitentium frequentia, & de alijs nostri
 instituti pijs operibus, Item de scholis, & discipulo-
 rum numero, & profectu, & de literarijs exerci-
 tijs, de bona Societatis existimatione: de contradi-
 ctionibus autem, & persecutionibus, si quæ fuerint,
 ea solum attingant, quæ adificationi fore videbun-
 tur, & tandem de piorum erga nostros caritate, &
 munificentia.

29 Hæc, & similia ita narrentur, vt veritas, mo-
 destia, humilitas, & caritas in ipsa narratione elu-
 ceant, & vt in ea ipsa domo aut Ciuitate, vbi
 eiusmodi

eiusmodi literæ scribuntur, ac ubique, publice legi, citra cuiusquam offensionem, possint.

30 Conscribantur tot exemplaria, quot sunt in vniuersa Societate Prouinciæ (ad quas securiore via quamprimum transmittenda sunt) & quidem latine omnia, exceptis ijs, quæ mittenda sunt in eas prouincias, quibus eadem lingua communis est. & vt Coadiutores nostri temporales ex latinis etiam literis fructum aliquem percipiant, sit aliquis, qui illarum summam, aut interpretationem aliquo modo eis explicet.

31 Hæ literæ annuæ in singulis domibus & collegijs cuiuscunque Prouinciæ, etiam eius, vbisue- rint scriptæ legantur, neque ultra hebdomadam retineri debent, vt ad reliqua collegia citius deferantur: postquam vero ubique perlectæ fuerint, in præcipua domo, vel collegio eiusdem Prouinciæ omnes afferentur.

De Catalogis & informationibus annuis.

P. 8. cap. 1. 32 **A**D clariorem omnium nostrorum cognitionem, Superiores domorum, & Rectores collegiorum duos catalogos conficiant ante id temporis, quo Procuratores Prouinciarum ad Generalem veniunt, ita exacte, ac si nunquam missi fuissent, in primo describantur omnes, qui in suis domibus,

lit. N. &
P. 9. cap. 6.
S. 3. &
Can. 77.
iv. cong.

REGVLAE AD MONITORIS. 15
domibus, vel collegijs, ac missionibus sunt, in quo
contineatur vniscuiusque nomen, cognomen, pa-
tria, aetas, vires, tempus societatis, studiorum, &
ministeriorum, quæ exercuit, & gradus in literis, si
quos habet, & an Professus, vel Coadiutor sit. &c.
& a quo tempore.

33 In secundo catalogo dotes, & qualitates vni-
uscuiusque describantur, videlicet, ingenium, iudi-
cium, prudentia, experientia rerum, profectus in li-
teris, naturalis complexio, & ad quæ societatis mi-
nisteria talentum habeat: quæ omnia diligenter re
Deo prius commendata, & mature considerata, &
omni priuato affectu semoto, sincere, & breuiter
perstringenda erunt, & vtrumque catalogum ad
suum Prouincialem mittant.

34 Sub finem cuiusque anni interiecti tertium
etiam alium breuem catalogum ad Prouincialem
mittant continentem nomina, & ministeria, in qui-
bus unusquisque nostrorum occupatur: mittant etiam
supplementum primi, & secundi catalogi, in quo ea
tantum adnotabunt, quæ eo anno de nouo occurre-
rint addenda, vt qui in Societatem interim fuerint
admissi, vel ab ea defuerint, vel quod mortui sint,
vel alia quauis causa.

35 Hunc tertium catalogum, & supplementum
primi, & secundi catalogi totius prouinciæ cum
annuis literis ad Generalem mittet Prouincialis
mense Ianuario: primum vero, & secundum per
Procu-


Procuratorem provincie ad eundem sigillo suo
 obsignatos perferendos curabit: Quod
 si quid ipsi in his catalogis, & in-
 formationibus notandum
 addendumue vide-
 retur, id seor-
 sim ad
 Gene-
 ra-
 lem scribat.





REGVLAE
MAGISTRI
NOVITIORVM,

& ordo domus probationis, una cum re-
gulis examinatorum, & Præfe-
ctirerum spiritualium.



VENETIIS, M D LXXX.

Cum facultate superiorum.

Fondo librario antico dei Gesuiti italiani
www.fondoliberalioantico.it



Cinquecentina

n. 391

18

Fondo librario antico dei Gesuiti italiani
www.fondolibrarioantico.it

